

賜

綺

堂

集

賜綺堂集卷十八詩目

病起

出山四首

過武勝關

君子村

金臺驛酒家書壁

十五年中自楚入京三次皆寓城南之靈湫古
寺今來歇脚悵主僧浩然先已化去其徒福海
述師意以遺像求題若知余之重來者不禁邈
然身世之感

尚書硯農先生與宮詹雙五先生在過城南蕭
寺中皆不期而聚清談移晷同飯僧寮賦呈三
首

三十年來感舊懷人晨星落落惟琴泉太史免
官後興致依然余三至京師往還無間喜靈光
尚存招飲寓齋卽席賦此

呈張筠圃先生二首

大司寇陳望坡先生自兩湖移節成都入京後
於今三年始謁公於邸第賦呈此詩

俞茗溪農部謫芬寓齋小飲

大廷尉楊介坪先生齋壁上粘余五年前所書
五言長律一首蓋公校士漢南時賜題拙集因
而和之者公報政還朝路隔三千里殘煤剩楮
猶鄭重相攜不離座右何愛惜之至感公之知
賦半律三首誌之

自丙子仲春再見趙府尚書於京邸迄今又十
年矣浹旬以來往還無間瀨行餞飲齋中席間
追話疇曩匆匆揖別賦呈三首誌感

覺生宮詹出所刊全集見示兼以別後新詩六
卷屬爲點勘謂余束裝有日畱飲齋中深談翦

燭奉題長律四首於卷尾以誌聚散之緣

鄰伯澹如介其友雪舟以寒爐煨芋圖求題

甲申嘉平月旣望將出京回楚雪牕記事書懷

十首

邯鄲除夕

夷門懷古

上元前一夕確山雪阻書寄琅兒二首

雪中馳抵漢南寓館三首

翌日雪霽裘丈枉過二首

重晤芳谷司馬於江漢之上以別後新詩出示

卽用卷中送第花茂材東歸四首原韻以抒別懷

呈中丞楊雪飄先生五言排律一百韻

楊忠烈公奏疏書後

有序

永陽雜興六首

呂宛溪山長

庭相

以長篇投贈卽次韻題其梁

湖詩草

周芸皋太守以所著雪中會巡楚豫邊界新詩

一卷屬爲點勘因次卷首襄陽早發元韻奉題

褚蘭仲解元于杜投余長古一章以所著綠雲

軒詩四卷求點定次韻答之

芸臯太守以高陽池館落成修禊詩馳示次韻

奉酬

渡蟻橋懷古

岐山從弟歸省二首

改簡誌喜二首

呈制府李鹿莘先生柏梁體一百二十韻

王藝齋觀察駐旆申陽只一關之隔郵筒絡繹
於道顧未暇言詩今將行矣奉寄二首以誌別

懷

東齋榆樹雙株綠陰滿几余假榻其中已逾年
矣今將他適書此二首謝之

哭覺生先生四首

賜綺堂集卷十八

吳苑 詞匯甲 鮑飛

詩

病起

茂陵以病免洛陽以病畱兩生出處不相謀厥病易中
亦易瘳賢如原憲諱言病不知貧乃致病由憲果非貧
肯爲宰辭粟九百粟已收否則鄰里鄉黨同隱憂何況
閭門糊口聲啾啾陶家三徑有松菊秫田不易斗米求
挂冠束帶皆偶爾病在泉石非督郵先生居無立錐地
卅年身世同虛舟與其僵臥困涸鰐何不強起鞭疲牛

牛行遇風鯢遇水此病纏綿有時止家人走告顏色喜勿藥請從今日始

出山四首

尙未還山又出山微書強起敢偷閒停年俸計拙身後就日情殷轉瞬間時奉調取人入都因而起病未必添思方漢水尙勞飲餞遠江關自郡城達尤湖三十里祖帳相望此到官日所無也濫竿自愧三年久博得塗歌也強顏

隔宵山館治行厨千里鹽味有餘碑子更番斟別酒車兒方八齡女孫先後試安車琅兒爲製縣車中設行具女孫三人踞坐試之對牀不負談詩約投筆還畱乞米書謂三弟謂昆漁差向當塗商出

處琵琶重抱意何如

眠槧移硯借山房小別難拋舊草堂檢點圖書愁萬疊
叮嚀僅僕約三章松關雲掩如瓶守紙閣風欺戒幔張
尙有幽懷語猿鶴歸程爲我護寒香

園丁補梅以待余歸

差比青衫席帽身漫勞驛吏問征人後車旌旆難方駕

前路風雲早絕塵

謂同官中有膺薦擢入都者

攬轡竟忘筋力倦加

餐強慰笑言真

甥懷豐與娘兒同宿漏口俟余明發登車

春明舊雨霜侵鬢

早盼陽城下考人

過武勝關

翠山張爪牙其勢猛於虎若非一丸泥能封無寸土當

年設三關此特一隅堵地連申楚交扼險曾用武方知
天塹雄不假巨靈斧於今通郵傳牽車不負弩破廟倚
危樓炊烟隔深鴟長嘯下寒崖碎石落如雨

君子村

尸諫當年未式盧衛多君子願交蘧主賢客聖真奇遇
上沃泉甘是廣居遣使未將羔鴈贊循名克副鳳麟書
鄰村尙有夫人墓南子墓在衛州郭外佩玉無聲辨德車

金臺驛酒家書壁

風色蕭蕭雪意催停車懷古倦登臺悲歌易水人非壯
快飲高陽子有才絕頂盤雕空朔漠當年市駿化塵埃

鄒生雖老能吹律 豈爲黃金應聘來

十五年中自楚入京三次皆寓城南之靈湫古寺今來歇脚悵主僧浩然先已化去其徒福海述師意以遺像求題若知余之重來者不禁邈然身世之感

茫茫人海中飯鉢隨僧俗但結香火緣好修文字福浩然不談詩詩味尙真樸浩然不參禪禪理戒圓熟挂壁一蒲團當日同趺足僧難先啓關稽首向余告我師常寂時畱此眞面目謂師去不回謂公來不速就中有前因相見在尺幅點墨尙未加師意有所屬我亦戀空桑

敢惜管花禿今茲再入塵浮屠隔三宿

尙書硯農先生與官詹雙五先生枉過城南蕭寺中皆不期而聚清談移晷同飯僧寮賦呈二

首

寂靜招提境車雷不到門忽聞騶唱近許接塵談溫蔬荀兼詩味冰霜濺酒痕堂餐方散直此飯素風存

禁衛金吾典宮端玉局班眼青同曳履頭白再彈冠牛

後抽身易車前攘臂難使星河漢隔尙書曾奉命鞠案楚南官詹先督

學梵北故云還照老郎官

三十年來感舊懷人晨星落落惟琴泉太史免

官後興致依然余三至京師往還無間喜靈光
尙存招飲寓齋卽席賦此

君官三黜我三已三度逢君君自喜我先求退今求官
壯不如人何足齒豈知君意尤拳拳謂我初心不出此
陶家三徑屬他人立錐無地溝壑死士不言貧不講貧
原思非病病當起九衢冰雪驟足僵屢過招提計行止
圍爐酌我宣南坊食單手量玉尺比座中郢客歌陽春
謂蔣訥齋刺史
金湘門司馬已先詹尹來脫屣長安人海同飄蓬還
想貞元舊朝士主人同舉廿年前袞袞諸公半朱紫黃
金臺畔雙驛驅得士公然自愧始江亭載酒十四人開

府功名數陳李後來兼督與專城同輩才名可屈指有
人伏牖老著書青山埋骨尋遺址江亭之集十四人中
與余兩人而已而我飄零到白頭偷息人間乞斗米君登學士
圖瀛洲迴風吹浪巨鼈徙依舊心情繫日邊買得荒莊
废圖史一品門生來問奇省郎况有趨庭鯉自營生壞
自題名此樂三公不易矣對酒茫茫百感生垂老同年
僅餘幾我爲絳縣老郎官他日重來問甲子

呈張筠圃先生二首

舒卷卿雲藹碧空圍幕賭墅幾人同中朝公望尊耆宿
表海詩才起古風公免官後惟與同朝舊往還作九
老會手定漢魏以來古詩重加釐訂

真大口有路碑皆寶蹟胸無城府本虛衷賈生覽鏡頭觀也

如雪薦牘還畱篋笥中

公先後持節楚疆應甲三次蒙公保薦

當年桃李領河陽咳唾親承拜下牀吏治專心先教養

人才另眼到詞章歐堂絳樹畱春氣魏圃黃花耐晚香

重向東廂聽鼓吹誰呼詹尹與錢郎

公與望坡先生前後制兩湖其時應

甲與錢君浦履分宰江漢首邑兩公皆以竹西御亭呼之而不名其官今竹西猶余引退不再出山是鄙人不

如竹西
遠甚矣

大司寇陳望坡先生自兩湖移節成都入京後

於今三年始謁公於邸第賦呈此詩

塵空健鶴隔雲招尺五城南望斗杓天許精神同潞國

人言功德數告歸八州兼督封疆老三楚重沾雨露饒
公先秉臬後撫是麾旄皆及事之一士去畱何足惜敢勞翦燭話寒宵日畱飲齋中

俞茗溪農部詞芳寓齋小飲

九陌人如海停車語故鄉榆星嗟我老家星江葵日羨君長廣樂鈞天夢才名秘省郎由吉士改官農部軍機處行走留髡休繼燭趨直早含香

大廷尉楊介坪先生齋壁上粘余五年前所書五言長律一首蓋公校士漢南時賜題拙集因而和之者公報政還朝路隔三千里殘煤剩楮

猶鄭重相攜不離座右何愛惜之至感公之知

賦半律三首誌之

節花開到漢江濱試院煎茶許候人贈我驪珠三百顆
巴歛何敢和陽春

吉甫風清報政時壓裝只載贐行詩七襄文綺知多少
偏賞詹何獨繭絲

三千里外返韶車點墨還邀拂拭加值得陽城書下者
詩名佛壁尙籠紗

自丙子仲春再見蓮府尙書於京邸迄今又十
年矣浹旬以來往還無間瀕行餞飲齋中席間

追話疇曩匆匆揖別賦呈三首誌感

縣令牛馬走尙書鸞鳳姿禮不先下士公乃矜寵之卅
年如一日非於我獨私遐哉張夫子

戊申鄉試同出嘯崖師之房公乃引

余爲手植龍門枝雕鏤出造化朽木無所施宰予望顏
回相隔如雲泥謂余雖不敏同受師門知於以厚風俗
友誼公維持

及門有九列登堂無雜賓先生治肴饌情文全其真醞
釀五氣和味到醇平醇評詩更讀畫街鼓逾三巡詰朝
枉精舍計日畱車輪知我齋厨偏承筐分違鄰念我驛
路長解衣追後塵感公意良厚慰勉噓涸鱗所嗟日云

暮寒谷難回春

蘇公下李豸歐公薦聖俞探花廿七載積階到鈞樞
三朝資講沃八州師楷模翹才揔衡柄詰禁握重符文
昌羅武庫公望能兼諸及茲髮未白夙夜陳訏謨簡軍
裕軍實有備先有儲方今治河議併力東南隅國家內
府藏端貴用者舒幸而際承平中外懼以愉兩階舞干
羽文德已遠敷經畫在久遠惟公審所需端明知必言
所遭况唐虞蒼生待匡濟吾詩倘不誣

覺生宮詹出所刊全集見示兼以別後新詩六
卷屬爲點勘謂余束裝有日畱飲齊中深談翦

燭奉題長律四首於卷尾以誌聚散之緣

魯靈光殿果巍然重見先生又十年一瓣心香風雅頌
爾朝手筆佛儒仙中天日月無私照絕頂蓬萊有夙
緣我是焦桐勞拂拭敢濡枯墨染雲烟

平生游興總超超奚只乘傳萬里遙出岫雲鋪黃海市
登臺霞建赤城標三峯削就花千朵五嶽歸來酒一瓢
天與青垣資講沃金甌遲卜奏咸韶公前以侍郎領部
今典官端始得及時編次良非偶然

冰雪心肝杜石身揚休山立氣如春貞元朝士尊前席
湜籍門生許故人應甲方問詩於公公顧師友經綿見
以老友遇之愧弗敢承

集

中感 舊
諸作 兄弟老

謂令季滄石先生

文章忠孝性情真
蚍蜉空

將軍樹盤錯終邀

雨露新

老畫蛾眉計已麤琵琶重抱淚花枯

公以香山詩意相嘲

年來香

草三湘賤病後文園四壁無

公聞余垂老出山先止之繼又知余之萬不得已也

又從而援之雖對山之遇崆峒無以過也

到口杯吞虹掣電等身書讀鳳將

雜見次公子與公孫會昌一品他年續懷筆還來侍座隅

附和作

鮑桂星 覺生

豐頤修鬢故依然未減江樓角韻年白雪詞高仍古
調青萍氣逸儼飛仙浮生富貴槐根夢宿世文章石
上緣今日班荆及燕市綠樽清裊鵠鱸烟

少年意氣阿龍超
老去心情海岳遙
投筆尙堪凌玉塞
據鞍何許問銅標
巴山瘴雨淹吟牋
漢水春流瀉酒瓢
炊黍年光真一霎
明朝霜鬢又新韶

贏得尊前老健身

用真西山意句腰如可

一杯酒散十分春

泛棹訪元真雙旌更指珠臯路
鸚鵡洲邊草色新

自憐辭直氣尤麤桐尾收還已半枯名獄期猶阻

嫁勞生患在識之無一官敢謂成雞肋百里何當屈

鳳雛

皇路清平英彥滿好將榆景補東隅

鄰僧澹如介其友雪舟以寒爐煨芋圖求題

長安市上僧無數大半茹葷不茹素平生蔬筍少因緣
何況區區一爛芋食前方丈羅珍羞蠻獅香象蹄上頭
客來稽首不問訊津津有味王公侯此圖寫意頗不俗
黃面瞿曇住石屋一龕宿火燃死灰衆透圓通功候速
芋味何如肉味佳十年宰相早安排調梅只問半頭熟
僧自燒豬官喫齋

甲申嘉平月旣望將出京回楚雪牕記事書懷

十首

雪霽曉日光微書再起謁

天間

君恩許計郎

官俸十載淮陽例漢陽

時因十年俸滿調取引見奉旨著發原省照例用欵此

聯鑣意氣各飛騰謂同官中有薦擢來京者也比淮南拔宅昇佛眼
幾人平等看不生不滅定中燈

一曲驪歌馬上催雨新雨舊酒千杯浮屠依舊經三宿
看到唐花雪裏開在朝公卿有前曾持節楚中受知最久者與同年朋舊連日招邀是以行期再展今年唐花出窖較遊僅從玉宮保德副憲席間見之

睢陽三徑已荒蕪舊館城南問僕夫每過恩門彈老淚
絳紗回首隔黃壚睢陽壽園先生乃父執而師事之者自爰亭侍郎歸道山後舊宅屢易主人每過橫街下車徘徊鄰肆老翁猶識之

平生心跡願依劉舉鶴雲中戀野鷗塵土自嫌襟袖滿
累他坡老訪天游此來京師尙未往謁少宗伯劉芸圃先生先承枉從招提感而賦此

鮮于墨妙畫龍眠宋榻唐碑岳麓鑄臣力已衰慚列士

感公寶劍解當筵

覺生先生以李伯時所畫職貢圖鮮于學士題跋合璧裝成卷子並宋榻

北海岳麓

碑贈行

赤棒宣風重使君中州山隔一重雲臨風太息詩龕寂

日下何人續舊聞

藝齋給諫已拜觀察中州之命爲余言及時帆祭酒所輯朋舊詩鈔經

觀察與吳蘭雪舍人點勘采余舊作最多今時帆已作古人鈔本不得見矣

未登百尺拜元龍夢想匡廬五老峯今日鐵簫譚太守

同車蕭寺聽寒鐘

陳碩士學上譚鐵簫太守同車過訪

蘆溝回首望長安短後征衣雪打鞍珍重山人投贈意

燕雲移作楚雲看

桑乾雪餞圖爲余雪屋山人所繪

下車馮婦故遲遲爲感羣公慰路岐要與春明傳韻事

人畱金幣我畱詩

邯鄲除夕

歲暮難爲客途窮敢學仙微醺消永夜殘夢入新年破
壁仍風雪高樓不管弦來朝休策蹇一飯恐無緣

夷門懷古

帳底兵符掌上馳翩翩公子重當時屠沽一面何曾識
枉繡平原五色絲

上元前一夕確山雪阻書寄娘兒二首

帶郭通淮水當關指朗陵山下有朗陵城卽漢縣山蟠如積玉簷

酒尚懸冰馬齒驚人健豬肝計客增

店家以豬肝餉客破牕風

漸緊難覓酒家燈

小住知余未長征念汝辛一家俱耐冷

七日許春計

抵漢陽莫更爭先路方能慰老人蹄涔須暫頓我已雪

泥身

時聞娘兒已迎至
小河驛故止之

雪中馳抵漢南寓館三首

兼程策騎到江關成柝聲催夜未闌帶得五雲深處雪

滿街燈影不知寒

三千里外客停車補飲屠蘇笑語譁子女孫扶入座

椒盤還進隔年花

此別匆匆，紀游解裝底事苦。搜求中朝宮尹，今頭白。
尙有新詩寄子由。（昆漁爲余解裝索余詩，未得，乃檢得官詹鮑公寄題寓鶴山房詩一首，故云。）

翌日雪霽，裘丈枉過二首。

快雪埽三徑，寒花香一家。也知迴北轍，尙未謁南衙。
水石心同證，風霜齒並加。名卿相問訊，曾否夢京華。（故舊於朝者，無不問訊。裘丈無不。）

賜第平泉舊聯鑣，小阮俱門投三楚。轄驛置兩家，厨苦憶懸匏。
久甘回昧蔗餘（令阮春洲傳贖漁橋吏部曾招飲舊宅中，以余知裘丈年來宦境甚。）爲言公子幼能讀等身書。

重晤芳谷司馬於漢江之上以別後新詩出示
卽用卷中送第花茂材東歸四首原韻以抒別
懷

隔年春夢繞江樓纔脫征衣攬轆休鷗鷺同盟君借榻
琵琶重抱我回舟青山紅樹輕帆去短李長楊健筆收
謂第花子詞今見
春兩茂材別後新詞傳唱徧肯教馬五拜涪州芳谷尤
之推重黃九惜馬君已歸白下未交臂而失之也
心期如水氣如醇揮手難忘話幾巡余云病後芳谷屢
過余山館之中
千頃波澄銀燭夜二分月寫玉壺春殘暮冷後爭先著
敝帚間來假決旬乞余近詩各有因緣畱點墨雪泥還問卷

中人

宦味何如客興賒酒酒江漢且浮家魚龍變幻樓空現
雀鼠紛爭市亦譁坐到水牕同退鷁掃開雪壁欲翻鴉
春愁似海渾閒事李俗桃麌遙此花

謂池館中海棠正開

瑤闊高處引天風三染爐烟馬首東

余仕楚二十餘年今第三次引見

仍回原省

黃耳傳牋重置驛白頭按曲漸移宮纏腰未跨揚

州鶴印爪還畱楚澤鴻老筆頽唐翻自笑輸君健翮破

樊籠

呈中丞楊雪飄先生五言排律一百韻

甲第高安舊江濱澤自長瑞徵平格壽榮溯聚星堂望

散周疏附蕭曹漢棟梁家聲書竹帛世德載旗常維嶽
生人瑞明公况國良龍岡深毓秀鳳嶺薦鍾祥入塾
驚三老觀書日十行金環知夙慧筠管吐奇芒筆陣雄
無匹文壇銳莫當研經譽亥豕昨史邁申羊餘事兼風
雅長篇接混茫制科先柱石前席進圭璋卓犖才爲傑
飛騰譽孔彰高門徵虎變華省喜鸞翔水部险梅早樞
垣屬草忙無言溫室樹記事智珠囊從此居清要依然
職贊襄班隨官漏長名記御屏香柳拂灑河帳花飛
塞苑牆壁殘紅膩竹暗箭綠穿楊毳模傳呼近幙廬應
奉詳虛衷誠寃蹇偏度信汪汪粵以籬鳴犬因之矢射

狼隴西方 命帥冀北果騰驤

帝曰嶠愉快公平獨激昂干城褒與鄂帷幌杜兼房

公從

那將軍經畫西秦先事籌邊勦平陝匪上結主知由樞曹淳階梁載

駐馬關雲紫盤雕

硝草黃邊聲驚箭築餘孽掃撓槍飛是將軍號謀從哲

士發羽書傳露布鐵騎走雷硠藉手施韜畧濡豪挺劍

鋗累邀還擇異不懈盡誠將先後書鐘鼎更番拜籜筐

繡衣由特簡赤棒始巡方皖水朱旛駐江城皂蓋颺

袴襦同額手饑溺每迴腸樹靜鶴皆去淵澄獵自藏青

原連理麥綠壤遠揚桑條屬承三沐輿情頌一匡關門

牢鎖鑰市舶順帆檣力向中流砥能歸大道康監司仍

天厭明社死忠烈天啓乙丑月逢七詔下獄中廿四日
陰霾蔽空如黑漆靈芝一莖正氣結公由行取詣臺闈
三朝綱紀手提挈極言邊事能洞澈乞清宮禁何猛決
彼時權奸已震慄虺蛇壁鼠未出穴光熹之間勢猖蹶
毒流朝野禍尤切一腔忠憤大發泄公之精誠靄電掣
公之讐論肝胆裂及身未見委鬼滅此心不死貫日月
隔代易名且贈卹公當含笑書命絕

見公獄中所寄家書

聖朝褒忠祀典設後進爲公守墓碣式瞻公像許伏謁
偉哉中丞大賢哲六君子外誰敢匹讀公遺書口結舌
公之裔孫手加鍥展卷燦如星斗列傳家忠孝紀其實

怨悱不倣泊羅屈萬古綱常扶此筆孝廉新除絳縣秩
先世宰官作良弼此書經濟載之出方信文章重氣節

永陽雜興六首

南歸尚未浣衣塵便綰銅章汝水濱落絮心情重嫁婦
治蒲手蹟老比鄰十五年前曾宰蒲陽與此間同隸安州今同官皆星散矣四賢堂

古風流寂寥吉山高月色新記與錢郎修縣譜謂竹西會治永

陽問津誰是再來人

入境先投水竹居

在觀音坡

此心憂旱疾焚如田經龜坼苗

先槁屋有半眠草未除胥吏短衣趨若驚賓僚長鋏嘆
無魚靈湫親向三潭乞一路飛甘送後車下車設壇禱雨而不得因

至高貴山之黑龍潭
請水回城卽得大雨

印臺卓立女墻邊壯笏登臨思邈然渡蟻淮梁空逝水
騰蛟坊表尚參天楚申事業雄風啓忠烈文章正氣宣
留與千秋作憑弔豈徒喬木長風煙

置驛千山萬壑中

永陽舊有四驛一在河南境中

那能縮地法壺公北

門鎖鑰三關控南徼梯航六詔通

時越南國貢使先後人朝過境郵傳絡繹

而來是以遞委代庖促令到任

燕鷗代飛笪載斗

今秋鄉試屆期各省主司督學爲往來必由之地山路綿長

馬牛下走檄生風勞心到處綠民力

袖短鞭長唱憮公

乘堂人散卽書堂小憩榆陰趁晚涼

余下榻堂東借榆陰以避暑氣膚

愛草供來午夜凡喊稟者不具星詞到者卽問供而驗傷之人每乘夜而來試之多有不實
耳聞穀價減申陽永陽稻田甚少卽食於鄰省之信陽州

刑書易結知民

信文債雖酬笑客忙且喜宵分聲不輟秀才綽誦到詞

章

慣坐眉輿上翠微巡鄉不用欵荆扉農能鑿井爭攜插

女自當廳懶下機種五分鋤蘭葉勁叢蘭產自中州山谷中箭肥而葉勁

者尤采珠人饌蕨花肥鄉人於蕨花時掇其嫩芽細

出售諸肆中供饌謂之真珠菜

新詩許補齊民術莫繡弓衣繡草衣

呂宛溪山長庭栢以長篇投贈卽次韻題其梁

湖詩草

豪俠翻憶壯游日芒鞋踏破萬山密太華峯高高插天
吹落蓮花花瓣失詩人舌底妙蓮生

宛溪有華嶽紀游詩作

不許

老元偷格律梁湖歸櫂句滿囊興之所到性專壹袖出

五卷光熊熊手能破空脚踏寶山館披唶到夜闌老眼

頻揩夢驚休蒲騷九辯誰嗣之漢東落此一枝筆少年

同學千青雲餘子紛紛處禪蟲上書不伏光範三爲文

爭駕枚乘七咳唾珠玉驅風電疑有巨靈任鞭叱有時

香雨散空濛秀色娟娟草芬芳忽作秦關變徵聲邊風

譜入龜茲篥月中雲夢八九吞何止驪光騰丈室相如

驃驃難禦寒子章觸體易祛疾君曉經術羞雕蟲敝帚

何緣邀灌祓解嘲肯易主爲賓稱尊敢笑我無佛此中
三昧關人天要請維摩來豎拂客識高岑_眞古狂天生
郊島非寒乞畫到河山兩界雄老氣橫空鐵可屈

兼工六法

卽今講席主印臺上座青氈擁舊物指揮杜庫勗生徒

腹貯邊箇勤著述長篇穿就牟尼珠比並巾箱探秘帙
韓碑石鼓歎汪洋讀者舌橋難辯詰嗟余鼓氣已早衰

偏師敢望全師帥舊游回首今茫然向平婚嫁幾年畢

閉門且學袁安僵劇談應笑揚雄吃贈言未免過推崇

如掣霞標赤城蔚願君高建都盧幢說法廣施波羅密

冉攜謝眺驚人詩還向華陰道士質

周芸臯太守以所著雪中會巡楚豫邊界新詩

一卷屬爲點勘因次卷首襄陽早發元韻奉題

文章太守說歐陽得奉清塵氣便揚綺習三生投水石

籌邊兩度歷冰霜詩如快雪千山積襟有雄風一面當

我向士元求治譜十年
前曾穿南漳爲臚士元故里其時太守方官翰林

策去巡鄉太守有課桑詩說皆兒之實政

附應山道中贈湘亭明府卽用 賦綺堂集中與竹

西唱酬元韻

富陽周凱芸臯

聞道真仙赴玉都紛紛小隊走鶴鳧新年送客先招
客宦轍今吾尙故吾露宿風餐抄徑捷山環水抱望

雲孤茫茫前路遙詹尹印月河如泛月湖

鳳簫聲裏早春回策馬行吟興未頽入境絃歌流水送繞城燈火隔林來交如吾輩休嫌淡詩到中年不露才攜得冰霜蘭懷袖玉梅花下許追陪

晴以雪中會巡新詩

三十三首
與之商略

褚蘭仲解元于杜投余長古一章以所著綠雲

軒詩四卷求點定次韻答之

隨侯之珠出漢東夜光倒射牛斗衝牟尼穿成八百顆
顆顆將向羊羣公卓哉健筆凌鸚鵡豔如明鏡開芙蓉
袖出一編向我拜冰霜濺齒星羅膚綠雲軒中綵豪吐

時賢角立分雌雄蒲騷才士君獨步鮑公一顧驛驅空
龍門史筆標榜首桂枝高出羣芳叢竭來計車尙淹滯
春明回望路幾重無雙聲譽勞夢想荒江墟市潛其蹤
吉陽下車未三月山城斗大膝可容君來訪我出意外
眼前往事驚飛蓬和我長篇疊鮑韻別裁僞體誇譚鍾
問途老馬過推重是大智慧詢倥侗晨燈焉用宵燭繼
鑿壁翻借燃糠農君詩醞釀吐光燄置身百尺期登龍
我戒作詩又破戒有如茗戰挑王濛此曲不彈廣陵散
性真所發難消融古今作者不一手離却門戶超樊籠
自然音節本天籟大鳴小鳴諧黃鐘要終原始辨涇渭

貫以九變風雲從掃除頑豔出生而丹篆能寫吳江楓
就中選言尙體要才如僊鬼資人工虎頭項強不畫馬
猿臂骨折難當熊吾衰甚矣管花禿妄談開寶爭元豐
君師覺叟唐李杜力追雅頌揚清風許我阿難聽說法
如轡回鏢舵轉篷君今儼我袁與蔣都梁皂策將毋同
譬諸蝘蜓久屈伏那得噓氣成長虹感君痴嗜意良厚
要扶疴僂升雲巾吾詩未免如破竹君材豈屑爲焦桐

芸臯太守以高陽池館落成修禊詩馳示次韻

奉酬

觴詠亦偶然太史賢太守銅鞮俗漸移冠蓋里仍舊疏

泉復習池勒碑表峴岫能溉土膏肥不露石骨瘦先生
志河渠地脈早參透觥觥曲水篇搖筆潑紋皴道光六
年春工成祓除僕彥威有芳鄰當以尊酒酌方之山季
倫萬口一心救想到荷插忙降雨如承溜三家邨有塾
滿架積書厚十畝地皆桑比戶買絲繡池聲魚夜跳池
光雉朝雊此邦多勝流池館爲公構賓僚六七十濡墨
分先後乃知經世才不外教與富杜陵櫻契許豈肯一
隅固羊公裘帶歌頗笑清談陋高陽雖酒人文與金石
壽惜我未從游祝公秋禊又長奉版輿權畫戟香凝畫

蘭池頌蘭陔光風滿懷袖

周易堂集
渡蟻橋懷古

槐安未必果王侯不負蒼生第一流榜上科名誇伯仲

朝端儲議笑蜉蝣令君遺愛擅綱幕

宋史載二宋先人曾宰應山後家於

此公子前緣術自修愧我問津無濟具肩輿難涉道傍

留時徒杠未成巡鄉問
津輿夫多攀棠而過

岐山從弟歸省二首

九秋握手轉新韶銜鼓聲中伴寂寥宦境漸同蠶尾續
客懷先逐馬蹄遙貧餘乘鶴書空寄老作羹湯味不調
尚有壯心消未盡據鞍自比阿龍超

柴桑畫向扇頭看小住荒園暫駐鞍家有賜書游學早

蓋無儲粟巧炊難一襟冰雪心相印兩鬢星霜指共彈
歸向北堂承色笑壽藺花下竹平安

改簡誌喜二首

作令廿七年三薦書上考一官終未遷胡不計之早久
握手赤緊符策馬走棧道漢陽四字兼治理非草草首縣
離會城舉動多阻撓何況大江橫因之公府杳日日詣
臺參浮沉狎鷗鳥抽帆星未稀轉舵月漸皎敢避天吳
驕風波憤喫飽渡江遇險已不一而足至覆舟後始決計求退堂皇坐未暖高
軒已煩惱何暇更巡鄉紛紜期會擾三百六旬中親民
日太少縣令果何官問心多未了習慣成自然一例摹

舊藁有人閉閣中方謂趨避巧所用非所能稱量施之好方五六十里求也願爲小

擗簡以馭繁雖繁亦如簡識量有不齊視其才所展才果餘於事務在大且遠然而細節遺終當悔之晚區區無寸長何敢矜才辯居敬以行之聖言凜實踐謹飭與安詳四字益加免奏牘中
考語如整躬約素如治心抽繭與爲化鳥喬不若割雞偃賓僚疑我言掩耳不聞喘僅僕嗚我言掉頭不肯轉妻孥交相慰詞意殊款款謂我入塵網閱歷已非淺未敢惜筋疲也當慮足蹇水清不求魚山深少吠犬較量得失間所遇勝求免吾心任自然

浮雲看舒卷治簡與治繁相觀不相反期於物有濟母爲地所限詩成亦斐然濡豪換手版

呈制府李鹿莘先生柏梁體一百二十韻

八州旄鉞公手持兩朝柱石公肩仔丹忱力矢結

主知壽徵福應天錫之天非於公有所私公所受者稱

量施太和翔洽凝蕃釐楚南楚北咸熙熙承恩敷化

治益治煌煌四字天筆搃俾爾康艾人民宜臣拜稽

首弗敢辭匡廬千丈峯巍巍章門九派江瀾瀾側聞崧

嶽鍾英奇篤生山甫世德詒許身禹稷饑溺思康山讀

書天人姿漢唐宋儒文煥而名世壽世經世資務在遠

大用有裨匪惟才藻揚綏纓北海墨妙西厓詩辛年通
籍翔蓬池等身制草抽綸絲載賡寶鼎齋房芝解經重
席玉局提六鼈頂上僊豪摛歐陽貢舉收桐椅平量玉
尺乘文輶珊瑚一網真無遺藹藹吉士多羽儀龍門衣
鉢傳孫枝公近講幄日贊孜游登臺省巡郊圻高岡有
鳳鳴朝牘

帝曰俞哉章手披黃扉青瑣簡在茲升華卿月圓如規
班領四岳躋臯夔河東濫觴八力支艱難借箸化險巇
宣防載塞蘇民夷

帝嘉迺績旌車旗羊城拜 命善撫綏鯢覲受縛鉗其

鰷梯航啣尾通島嶼職貢不數因桓皮皖江之水澗澗
澗東南半壁台星移賣刀買犧農耘耔士守絃誦祛淫
詖惇勉郡縣先監司江淮轉漕勢逶迤公度天儲量地
維轉般直達皆前期臣心匪懈力不疲凡公經畫安且
慎兩湖重寄

帝曰咨授以斧鉞頒訓彝小廉大法相切劘稱職者陟
否者褫耳提面命如嚴師供張屏却戒侈靡隄防軫念
民蚩蚩疏消版築金錢齋首蠲鷁俸廻瘡痍尾糧請豁
人淪肌岳陽雲夢耕塗泥沿鄉義塾增舉比旣教旣養
化乃孳蔚除稂莠登秬秬探丸不敢窺藩籬巡過校閱

師熊羆信賞必罰非魚麗騎騅駟驅駢驪鉞釣鉤釓
鏃鏃鏃羽干來格苗民齊庾樓岳麓回三朞好雨應簑
風應其屢豐祥報禾生祝封章入告

皇心怡觀揚八度舒 堯眉諮詢謀前席鐘訇遲 恩加
異數逾等差 形廷春晝濡喻糜 琰題銀榜蛟龍踞
佛光湧現珠牟尼九章五瑞燦陸離指揮如意函封螭
天錫純嘏德所基杓旋斗北軍民斬星程載得湛露滋
夫人六珈備福禔偕老難老同延禧齊眉案上忻含飴
長公珥筆依丹墀瀛洲宴罷歌維祺鏘鸞舒鴈吹墳篪
公孫前後承笑頤先甲後甲際昌時重周甲子演以蓍

公惟布守而有爲障江河海六藩麓立功德言萬口碑
明良萬起千古垂溯自望且稽唐伊咸登上壽任輔毗
公今受祐謙尊彌禔躬翼翼心祇祇國恩家慶方猗
猗蒼生共仰佛眼慈豈惟三楚歡以恆驚駘再駕供鞭
笞作頌何追奚斯第窺以管測以蠡祝公廉強調鼎
鼒六星戴筐平角騎六箭協律昌伊者

帝賜金歐壽一卮

王藝齋觀察駐旆申陽只一關之隔郵筒絡繹
於道顧未暇言詩今將行矣奉寄二首以誌別
懷

臺柏經霜勁宮花浣露香出山憐小草

前年起病入都相賄卽匆匆指

別種樹課長楊

書來訓

種柳株里有青雲客

明詩人何大復碑畱緣野

堂

所部多裴公故迹

塵氛今掃却餘蔭託千章

自覩察按部以來楚豫之交民

無游

手

山城如斗大北望近旄頭我肯避三舍

公還兼八州龍

湫靈雨宅

靈山在信陽省禱雨輒應

鷗夢散花洲

時余已奉他日大治之檄

傳箋遠詩筒早置郵

東齋榆樹雙株綠陰滿几余假榻其中已逾年

矣今將他適書此二首謝之

三春拋散阮囊錢飽看風煙到枕邊一角牆東偷寫影

攤書慣趁晚涼天

山館星移兩度秋
森陰如水上江樓
歸心要看桐孫長
豈戀斜陽照白頭

余舊館在漢南有高梧百尺去冬桐枝暢茂適有抱孫之喜故云

哭覺生先生四首

東南耆舊最傷情
重過黃鱸酒罷傾
知我寸心惟鮑子
感公分手戀鯉生報書早
訂前一月報書猶自言考差之日首先投卷然已成絕筆矣
約絕筆非爭殿上名
今日驂鸞歸玉局人天
一樣領蓬瀛

金掌丹還月再圓

主知真結際中天訏謨入告文章外俊彥旁求氣節先

公望朝端尊賀監相才身後歎坡仙自憐老眼無多淚
只哭先生是古賢

新詩六卷比懷瑜人海茫茫問尺牘去職至京公以年來所得新詩屬爲點定今當見
諸續刻矣一字矜嚴同選士百家泛濫敢充廚公過寺之中每至必飲余或過公公
必設饅餉余戒庵人無濫觴麤官寫韻宮商誤老友稱名禮法殊豈料贈言成決絕買山何處話枮榆

年來倦羽已羸羸敢望寥天一鶴翀生悔折腰承佝僂死猶說項拯崆峒九原許我心期印四海何人眼界空
介子有才孫濟美不須房杜表文公及門最盛

賜綺堂集卷十九詩目

書執筆圖後二首

古陽署齋晤蕭印泉

志
聯

以葵菴所繪隣園脩

禊圖屬題次韻二首

張南山明府

雜屏

以聽松廬詩集郵示卽次見

懷元韻二首奉題

陳春帆貳尹

落

信宿山齊以長律二首投贈次

韻奉答

題石甫匏葉龕圖

提胡盧

擊如意

傀儡戲

波黎燈

質錢庫

寄書郵

拘驢行

老馬嘆

治城八首

治東三十里有東山爲羣山之冠好事者目爲

曼倩讀書處乃作此詩

楊晉齋少府煦以詩投余依韻和之二首

冶東郭外浮圖矗立其下有小瀛洲精舍林小

匡明府

岬嶼

雪後登臨賦長古一章馳示依韻

奉酬

書禊帖後四首

磁湖渡艤舟問坡公以詩迎子由處

登西塞山訪元真栖隱處二首

琦玕洞歌

有序

胡子穀茂才致善投長律八首未能依韻和之
卽以前書楹帖補成二章馳示

南湖雨霽泛櫂小瀛洲待月二首

余不工書而索書者踵至書以謝之四首

治春詞十首

松棚

竹榻

掛扇

噴壺

武昌曉發由寒溪至西山靈泉寺小憩松風閣
登九曲亭望江次芸臯觀察補游西山原韻兼

寄小厔明府

歲暮二首

賜綺堂集卷十九

吳苑 詞應甲 鮑飛

詩

書執筆圖後二首

學書先執筆運筆如運樞死法有生意在筆不在書筆
苟爲我用神完氣有餘筆不爲我用求精失之粗古人
同此筆心手相與俱執中與執一操縱皆自如譬諸臂
使指用人理不殊筆且不能執執法當何如

印泥同畫沙力可透紙背要皆運於虛特有此腕在千
鈞一髮懸珊珊仙骨媚謂當斂鋒芒豈肯露光恠剛健

含婀娜一源納萬派筆正根諸心旋轉如風快用意在
筆先得意在筆外離筆問古人古人窮於對

吉陽署齋暗蕭印泉

志蘇

以葵菴所繪隣園脩

禊圖屬題次韻二首

山城傾蓋話初筵袖出新詩錦字妍韻事補圖同曲水
主人高詠正華年西江風月杯中聖南郡賓僚石上緣
記取蘭亭丁巳日牡丹當在未花前

望之才筆果超羣旗鼓公然壯此軍鸞披詞人書粉本
謂大雲鶯湖畫史染波紋葵菴此畫作於侍御居鄰崇府園
能借客到高陽酒易醺他日延年重作序半襟蘭氣許

誰分

張南山明府

維屏

以聽松廬詩集郵示卽次見

懷元韻二首奉題

君去襄南我漢東年來心跡等飄蓬難酬崔灝樓頭筆
得見顏高坐上弓芳信流傳憑子鶴諸儒集論重丁鴻
海山領畧天風趣可許人間協六同

循聲到處播弦歌也夢尋鱸喚奈何下考陽城書與政

余起用後改簡仍加四字之考愧忝竊矣不封李廣射同科靈光魯殿晨星

散謂集中偶酬多余舊雨香祖湘臯夜雨多憐我琵琶悔重抱停

舟那得訪煙蘿

附原詩

張維屏

南山

暮雲遙望大江東
蹤跡相憐似轉蓬
客夢悲歡吳苑笛
宦場失得楚人弓
聲清自和寥天鶴心苦
曾安澤國鴻回首
金門談獻賦三朝名士幾人同

樽前跌宕喜高歌
絃上秋聲近若何

君詞名
茲秋集

作吏定

知疎顧曲愛民難
免拙催科卅年舊雨今餘幾

謂小
峴鐵

夫梧門
諸先生兩鬢新霜恐漸多
自笑歸心戀茅屋
牽絲無術想牽蘿

時將引
疾求退

陳春帆貳尹宿山齋以長律二首投贈次

韻奉答

評詩剪燭許追懽同聽山城臘鼓殘地小幸無三已恨
樓高肯借一枝安。豎懷夢落吳江冷宦跡年來蜀道難
白髮向人羞按曲琵琶休作定場看

漫將往事嘆蹉跎馬叟終當遇李何燕市才名朝士重
鱸鄉歸思郢人歌干雲應笑魚緣木喜雨相逢豕涉波
借與時流看名劍古光出匣不須磨

春帆方
膺卓薦

附和作

陳溶春帆

氣誼苦岑結古懽一燈重與話更殘直將遺事譚天
寶好把新詩續建安能吏聲名原不易才人遭際本
來難茫茫宦海皆如夢只可蕉邊當鹿看

功名壯歲已蹉跎頻向樽前喚奈何果遇陸機仍作賦猶逢袁虎莫高歌出林人似春山筍歛版心同古井波廊廟江湖原一例年深豪氣總銷磨

題石甫匏葉龕圖

書城擁萬卷巷居瓢飲人爭羨花縣官卅年蔬枯瓠落我自憐乾坤雖大一龕小先生與我同龕好束腰之帶何年拋長柄一聲殊未了吟到風人匏葉詩就中苦味分嘗飽因以標題大集名寫爲行看邛須早吾聞匏之名兮不苟同匏之實兮如有容廓乎無外洞然其中剝以樽而酒分清濁截爲笙而律應雌雄胡不浮槎貫月

揚旌相風寄中流一壺辭老圃百弓而乃荒江伏處弱
水難通同舟一霎渺河漢蔓生不到馮夷宮豈知盤根
錯節猶未晚眼前落實非飄蓬吁嗟乎當年獨處嘆無
匹人指慈航坐太乙依樣葫蘆先畫成謂君隻手能提
挈去而不返心搖搖誰問淺深與腐揭浮沉身世秋蟲
知萬樹甘棠有苦蘖泓陵江近灌園家盼至瓜期同剖
瓜匏乎浮到水雲裏化作兩瓣青蓮花

提壺盧

壺盧頂有古光壺盧根非晚香其腹碩大其頸長畫者
依樣點筆忙官行文書例有常好鳥喚春提入市箇中

造化非尋常海上僊人鍊金石街頭學士酣酒漿乃公
有時能縮地九華飛入壺中央此腰當日爲君束中流
失船不肯杭丹成九轉許我乞吐納元氣終渺茫人言
妙諦不可解一聲長柄同傍徨壺盧倒地忽大笑世人

傳藥休傳方

擊如意

不如意事常八九此物無端入我手客言詩人報瓊玖
比德於玉意良厚如意之意含未申禮云禮云古所有
雕文貝錦函柂檀溫潤而澤蚌螭蟠流蘇隱現吉祥字
尙未起舞天人歡有時不脛走千里有時含毫託寸紙

意中未必見古人意外何曾遇知已嗚呼臯羽竹根忠
毅鐵風骨錚錚斷難折不惟其物惟其人以物易之彼
不屑我問如意意何如欲如我意讀我書豈能盡如人
意乎人生得意失意爭須臾要非手持尺寸之柄能轉
樞曷不聽我歌烏烏擊如意碎唾壺

傀儡戲

從其小體小事舉動爲人所牽制脚跟不肯踏實地
五官百骸空位置提醒世人演此技謂余不信傀儡戲
傀儡場中人頗多顧名先要思其義始作俑者亦偶然
敢向人前假聲勢優孟衣冠魄已消人鬼攸分餒鬼細

公喜公怒不自知人歌人哭聊相試進止語默倚於人
豈惟耳目手足寄廣場四面幃幙垂窺不及肩毋乃秘
分明竿木不離身下有人兮指使臂螭負羸是耶非
佝僂承蜩仰而跂可惜扶他不到頭畢竟難爭一口氣

波黎燈

蓄水之魄凝水精人言九轉金丹成不分貴賤爭光明
是何神力一手擎紛披寶珞珠曼瓊見者目爲波黎燈
波黎片片周四角較短量長就邊幅西洋東海價低昂
水泡花紋土人鬻其質雖薄采易加畫手紛紛染紅綠
鏡奩屏幃天人工一體張燈照華屋九衢燈市如雲紅

卿月中天調玉燭下界闇黎頂放光一州斗大人側目
傳燈古佛只低眉得者榮之失者辱雕琢畢竟異籠紗
匪石難禁鍊女媧爆竹一聲簷際落燭花無缺散冰花
西鄰有光出破壁獨抱孤心歟精魄不生不滅定中燈
銅柱千秋性不易

質錢庫

朝質錢準備夫馬送委員暮質錢賓館相告厨無煙牧
人不肯窮馬力許我解鞍稍休息豈知債臺高入雲杯
水不救車薪焚旁觀笑我不解事錢在案頭不在肆妻
孥嚦寒面色灰黑貂之裘安在哉此老百折終不回催

科所入上緝簿報解上官亟掃數內庫外庫非質庫皮毛脫落錢價尊冰天雪地人叩門官貧尚有衣可質民貧何以謀饔飧安得官民相愛冬日溫富家不問質錢庫貧家同掘聚寶盆

寄書郵

前書未報後書至前書已報後書繼書非公言非己事或言古人重氣誼或言今人尙交際言外有人曾授意現身說法破常例謂余不信旦且誓下此羽毛齒草出諸肆金石圭璧納諸笥書冊畫幘有欵識物惟其人價不二叩闕別有客停車不是龍門也曳裾主人見客客

不識袖中探出雙鯉魚自言未奉先生教願博貲郎去
投効某公長者通殷勤公手援之當有報平生素昧果
何緣書亦如君貿貿然寄語秋風亭上客廣交先讀絕
交篇屈指同心言有幾休向紅窓鑽破紙不見平原乞
米帖數行手自書之不盡尾嗚呼洪喬不作寄書郵合
是人間第一流安得債臺移向投書渚沉者自沉浮者
浮

拘驢行

牛耕田馬傳驛人力不如牛馬力豈知牛馬力亦窮長
馭不施施短策出自東門驢腳多計里數錢不問值滿

山鈴響槽滿棚客行彳亍驢得得驢人招客客跨驢以手揮去驢受役柳圈作燈板作鞍客不問途驢自識須臾卽次客不知兀立如山足不易店家呼客再換驢前驢後驢循舊迹別有拘驢出店門皮皴肉瘦骨露脊驢人牽來口不言加之叱咤長耳辟似解區區芻豆施呼作毛生亦奮激豈知出店未半程不願馳驅願休息客方跂脚聳吟肩驢忽長鳴恣跳趨伏如屈蠖蹲如鳴鞭之不動類頑石客乃下驢牽挽之旋轉如圜利用蹠自護其背且釋肩灞橋詩思任君覓客果捨驢尾之行驢已返風歸趙璧嗟爾狡猶甚於猱以拘名之猶粉飾不

見相公執拘文其奸人鑑於驢免躅躡

老馬嘆

相者畫者非不知馭之策之非敢辭奈何所用異所施
廄中有馬嘆且思自思馬齒方長時人言神駿無雙價
一息瑤臺看宴罷紅羊紫燕空人間瑤光之精斗牛射
馳驅來到楚江濱未許天街踏軟塵從此低頭受羈勒
相逢不問九方歎眼青也有人爭顧許以驥驥國士遇
天榆石棧一萬重到此王遵不叱馭平生險阻所未經
後塵默數郎當鈴自笑身高驥七尺山徑輸與疲驢爭
鬢煙瘴雨輕千里鳥道齧叢了一生虎符調馬馬驚喜

此後平原感知己使居轅下馱千鈞故步不曾違尺寸
官人終日公府趨馬亦踴躍困後車未免撫髀長太息
不如駑駕紛前驅馬雖嗟老心堅定昂首恥離鞍與燈
問途許作忘年交抵死不甘充下乘主人憐馬衷腸推
馬顧主人心漸灰拌將白骨酬芻牧何用黃金汚草萊

治城八首

敢謂勞筋息新符換舊符

甫卸應山縣篆

登車河漢隔

閩門僑寓漢陽

將買舟而來

借榻水雲孤縣僻無城郭湖平入畫圖西山相

見晚招月指前途

前一夕宿武昌乘月色登西山

問俗先耕讀圖經有指南桑麻山澤半絃誦禮詩三勸

學書同檢齊民術要詣巡鄉還策蹇到處許停驂

病牒經年久非闕得失爭雞蟲皆物性雀鼠豈人情草
面談何易虛心獄易平勤求當自砥何用示先聲

門有波千頃堂無廈萬間翹材開試館

邦人士請建校士館於堂東余

從之主講借名山

馬孟河孝廉主講金湖書院

佳士稱同志靈官愧凡

顏文章乃餘事賢哲重鄉闈

宋儒止齋先生故里

全家同畫舫爲我載書來水屋湖心纜風帆鏡面開將
籬催打槳扶老笑銜杯問訊劉綱婦槎如海上回

人與涼風至賓僚總舊游春山邀北苑

范斧

夜榻話南

州徐六益香草靈均擷屈流

桐名花洛邑采

潘蘊

我來同飲

水一勺借鄰舟

縣治面湖水面皆興國州所轄

會有人才起詩篇證舊聞風泉三洞合煙雨兩湖分醒
酒花如錦摩崖筆有文此時懷古意搔首問青雲

一塔插林表雙橋落澗中網收煙艇白燈出水樓紅大
有菟莊意何須點染工滄洲如此小方許避迴風

小滄洲在

東山之麓

治東三十里有東山爲羣山之冠好事者日爲
曼倩讀書處乃作此詩

出郭三十里有山巍然高人言東方生覽勝策六鼈上
有讀書臺石匣光芒韜天風口吐納江水心洗澗惜無

從滑者絕跡褒與臯其言戲之耳穿鑿且混淆先生昔爲郎忍饑非老饕侏儒日醉飽割肉空操刀致君諫何謫答客氣不撓文章老侍從星辰懸斗杓有時躡蓬島手筆驅風濤羣仙齊拍肩咳嗽唾訇雲璈何暇登此山得失分秋毫西陵山四面東山勢并包是從方位定非關姓氏祧鍾靈開震旦一氣風雲交苟讀東方書雄辯才滔滔他日金馬門待詔需賢豪安見戟枝下不與臣期遭山名從此副吾詩券可操詩成山色喜露頂來相招謂余寫真面山人同解嘲

楊晉齋少府煦以詩投余依韻和之二首

相逢蘭檝湖春江奇氣龍文百斛杠子幼名齊神駿入
淇喬青滯鯉魚雙平爭雀鼠先傳檄時以勘案至富春
晉齋身與其勞

老按官商不換腔寄語滄浪湖上月可曾照到我心降

琢玉詩成刻露曉珊瑚僊骨遠塵凡箇中許我知甘苦
味外何人識淡鹹七字珠璣心結佩一襟香露手開纖
韭花妙筆傳家法舊榻臨來本未劙

附原作

楊煦晉齋

大雅宗風滿漢江

公曾率漢川漢陽

一枝健筆鼎能扛心如

冰繭絲抽獨

早年著有獨繭詩鈔

調入秋絃管下雙

集中有賜
絃秋詞

綺筆傳天上曲

甲辰召試拜文綺之賜詩

題襟壓倒

郢人腔
漢上題襟會中公詩爲最
知公搔首看明月磊落詩懷借酒降

新詞舊句骨巉巉爲政風流迥異凡幾輩賢才經藻鑑
益次分校鄉關及縣
試所取多名下士卅年宦味歷酸鹹仕楚幾三
難情僞無不備知
官隄克慰蒼生望
築隄防潰民賴以安至
今勒石道旁
公年六十餘榷篆大
永傳德政
縣譜猶留白首緘
治精神豐樂案牘無
留
料得清名千載後循良兩字不能剏

治東郭外浮圖矗立其下有小瀛洲精舍林小
崖明府
呻吟雪後登臨賦長古一章馳示依韻

奉酬

君家海上山有萊沐日浴月吞星台迴風引舟偶合并
方寸五嶽何嵬嵬君詩滄溟納萬派鵬鷁鼈掣不可摧
我詩井墓敢論海以蠡酌水量河魁仙真不合入塵網
庸耳俗目相排廻君去巒陵我來治示我絳雪詩成縕
雪中忽訪戴安道南湖一棹時瀟洒此雪出君懷袖酒
傳殘未折南枝梅老蛟潭底作人語東郭外有蛟潭萬花飛舞
飄成堆浮圖插天森玉立小瀛洲館冰壺開農家望澤
見三百天工妙與詩剪裁感君投贈意良厚加之斧藻
憐憫材長言溫潤比圭璧險韻光怪鞭風雷我無寸鐵
操自戰退避三舍趨銜杖陽春一曲頗難和棄甲可許

予思來他日相逢鶴樓下同此長江化酒杯送君掛帆
眺江雪僧房自憐寒爐灰印泥付與碧紗護鐵城更築
瓊瑤臺

書禊帖後四首

蘭亭真墨久銷亡聚訟紛紛說晉唐臨本不如鉤本確
漫疑定武出歐陽

趙 模 馬承素 諸葛 貞 共追尋先後唐賢手自臨畢竟宗

風歸顧上河南勝處入山陰

退筆千秋屬右軍在教縮本寫停雲昭陵蘭紙人間失
玉匣原無玉版文

開皇神武亦耽書
叔寶如何鑑別虛可惜
南朝江總筆
擊牋不寫暮春初

磁湖渡艤舟問坡公以詩迎子由處

江黃去江淮渺隔一千里
三年公謫居不歸如江水四海一子由
那能飛至此停舟風打頭間
訊煙波裏公以詩來迎
魂夢先馳抵肯爲十日留相見
話悲喜對牀風雨吟聽
到曉鐘止想當待渡時
臨臯僅咫尺
萬事不猶儂了由詩中句
孤懷寄蓬底
馮夷實阻之傳詩假雙鯉平生
忠愛心阿弟所共矢此渡亦千秋全憑書寸紙逝水何滔滔
兩公可能起我非避風波折然一舟艤

登西塞山訪元真栖隱處二首

道士原來卽釣徒釣竿不肯拂珊瑚桃花流水春深淺
木葉空山夢有無虎豹當關終化石蛟龍爲窟敢藏珠
元真畢克丹成去艷說樵青補畫圖

摩崖三字鬱堅蒼大擘窠書徑丈長水驛旌旗迴叱斗
江洲符節合東陽遲芸臯春晚雨觀察不至身如一粟經滄海人比
千花散道場時因漕艘在山下受允終日唱籌聚米故云謝李詩篇當互證
漫移楚塞入吳鄉

琦玕洞歌

有序

縣志載同山有三洞上洞出雲中洞出風下洞

出泉唐元結自號琦玕子居之作異泉銘泐石
故洞以人名

回峯千仞洞有三神力鬼力難雕嵌上窮鼈脊下俯蛟
潭中央大塊之氣共吞吐是誰畫分地界天人參風耶
雲耶水耶不相讓三洞磨牙迸力向風耶雲耶水耶不
相爭三洞張口喘息平有時風水巧迴旋白雲界破珠
絲穿有時風水怒擊搏黑雲掀翻雨點作水光雲影空
濛濛樹杪倒掛白玉龍疑有仙之人兮來御風仙人不
見見仙吏示我題名洞中記不記風雲只記泉但期於
物能有濟笑指白雲茫茫泉自流風亦乘之等游戲世

人不解費思議翻謂五丁施詭秘豈知三洞中空木二氣此理易明何足異

胡子穀茂才

致善

投長律八首未能依韻和之

卽以前書楹帖補成二章馳示

良金躍治早知名文字因緣許合併敢說問途須老馬
相看掣海有長鯨玉篇學富傳安定金匱書成補會卿
畢竟鮑公門下士受知覺叟八章冰雪入懷清

筆華充盡墨痕消尙畫時猶老折腰傳鉢僧徒同面壁

換縵倦客慣題橋家換縵橋邑志載昔人於此遇仙儒林循吏名難副

詩中有兩漢循及汲古情之句宗法鄉評譜不祧輯家譜成求序於余他日歐陽

還補岸君才更比阿龍超

南湖雨霽泛櫂小瀛洲待月二首

水上僧闕扣不應停橈且向石欄憑白收邨郭千帆雨
紅上江天一塔燈寺僧建水陸道場時河燈放罷到此禪心同印月有誰詩骨證壺冰鶯鷗夢入清涼境高樹蟬鑒聽未曾

也曾海上望蓬萊衣拂天風引棹迴聚鐵悔教歐冶鑄

散花誤認洛陽栽湖山點綴空臺榭文字因緣戴斗魁

洲上有隔水書聲還繞郭人疑偷聽紫雲來
舟過處書聲琅琅與

水樓歌聲相間
每停橈聽之

余不工書而索書者踵至書以謝之四首

學書本未成垂老又病臂奈何乞書人先後踵門至強之使塗鴉大抵如墨戲兩童磨渝麋揮洒苦不繼毛生與褚生解事能承意筆老紙更新宜於君不利君當遠避之生亦甘棄賓

箴言必由舊楹帖當從新蟬聯字兩行陳陳戒相因偶然集成句游戲皆天真大半出碑碣字雜文頗純傳鈔者好事乞醯先及鄰空言許投贈亦當如其人所以下筆難一髮懸千鈞

近已戒作詩性不好博奕判牘有時閒亦復弄殘墨當其興所之未嘗無所得然而腕力衰十指比荆棘况欲

追古人渺焉河漢隔此事了應酬於心總不適齧脊橫牛腰架上紙堆積揮之出大門可許一當百

我書本無師我官只爲郎學鳴自呼名不效雙鸞翔客從吾遊者歎識亦有常苟非素心人其名過卽忘紛紛乞書者姓氏書之詳也知某某賢士舍與上庠與君未識面兄事且未遑與君便識而何必分輩行有以另紙求書者皆返之不才筆已朽落紙無光芒金牋與玉版趙璧歸

文房

治春詞十首

花外人家水上樓花風吹夢散花洲山城不信春如海

老筆無花賦冶游

平湖三面擁煙靄眉黛分明見一灣數到春江花月夜
釣簾偷畫鏡中山

銀花火樹起樓臺面面紅霓照水開豔說新年多故事
豢龍先送夜珠來

香燈簫鼓舞交衢到處茶檣間酒鑪一盞寒泉人去遠
水仙不賽賽天符

雨絲風片送花朝陌上香塵似雪飄盼到鶯飛芳草長
買春相約過雙橋

飛白半蓬黏柳絮落紅一網溼桃花相逢休問橫塘路

江上樵青是一家

鞭絲帽影去匆匆小試春衫扇底風輪與香車歸緩緩
塔尖留住夕陽紅

棠梨如雪打簾旌啼遍春山杜宇聲催屐闌珊花事了
紙鳶風裏過清明

漁梁燈聚攜蝦市蟹舍棚欹放鴨闌一樣春江煙水夢
鷗盟魚戲不知寒

樊川骨鬢早成絲過眼風華又一時惜我茶煙禪榻畔
絃秋還譜冶春詞

松棚

坐到春陰滿，靜忘暑氣藏。
架空風寫影，棚澗雨生聲。
廈心同瓦孤，乘指共涼卷。
舒非片席咫，尺亦蒼茫。

竹榻

截竹還編竹，蕭然一榻陳。
留君逢醉日，磨我喻人夢。
入瀟湘遠涼，非枕簟新幽。
居同坐臥心，地總無塵。

掛扇

屋梁銜落月，几榻坐生風。
倒掛雙浮磬，虛張半明弓。
愁摺疊賦手，誤雌雄推挽。
皆人力朱絲掌，握中

噴壺

絕妙壺公術，能回赤日曛。
高擎千點雨，低壓一叢雲。
頂

有醍醐灌胸無畛域分非闕手翻覆珠咳落繢紛

武昌曉發由寒溪至西山靈泉寺小憩於風閣
登九曲亭望江次芸皇觀察補游西山原韻兼

寄小崖明府

橫江東來雙白鵠飛入寒溪飲寒綠文忠文節渺千秋
游騎紛紛補殘局西山紀游例有詩後之覽者忻然續
畫圖吟卷如牛腰譬諸樹鋪草鋪綢雖然着色寫名山
未陟其巔祇循麓昔賢忠愛何纏綿謫居同具一流目
荒亭屐齒有古香高閣松心無曲木不見劍石東吳霸
氣銷書臺南郡節華禿遠公卯老去人間鴻爪雖留鷁

項縮江山風月尙依然當日分明見坡谷蠟穿九曲我
迴腸鰲戴三山人策足一軍公瑾陣堂堂暇日登臨興
往復雅游曾領玉堂仙高詠自超塵網俗此時廣宴張
樊山大江湯湯酒一掬招攜七子都英豪稽生長嘯阮
生哭隔江鼓角要催詩詩未成時先顧曲一龕宿火訪
寒僧白蓮參破芋頭熟謂寒溪有詩僧號芋公林逋貽我詩一章
我向詩瓢乞餘醕涪翁鬚翁夢見之爲君點頭笑捧腹
山靈顯晦會有時詩亦因之善刻鵠詩骨能如風骨凝
詩心當與雲心逐與君更讀兩家詩山色江聲在尺幅

歲暮二首

雪後山城寂齒停松窓寫到玉瓏玲書郵夏首皆當澑
酒釀冬心氣易醒舊牘消除同解甲新詩編次比深丁
放衙不許簾垂地要看瓊瑤積滿庭

竹爐香試瓦甌茶冰雪心情歲晚加倦聽市聲喧爆竹
能參禪味問寒花開籠慣放黃頭雀書券難留白鼻騮
利有賜衣還在笥七襄文綺向人誇